

A tuai kabaeaki au karo n te tembora. Nanon anne i  
aki kona n riki bwa mwakoron te utu ae akea tokina?

—Te Mimii iaon Warsaw

## Nakon Te Tia Mimii,

Ngkoe bon natiaa ara karo  
ake i karawa. Imwaain rokom  
nakon te aonaaba, bon ngkoe  
mwakoron Aia utu. Ao anne e  
na bon aki bitaki! Ngaia are e aki  
kakawaki bwa tera, n taainako  
ao bon ngkoe mwakoron  
te utu ae akea tokina!

E rangi n tangiriko Tamam  
are i Karawa ao am karo. E  
tangirii ngkami ni kabane  
bwa kam na oki Nakoina. E na  
teimatoa ni kakabwaiako ao  
ni kairiko ma am utu. Tataro  
Nakoina ibukin raraomam,  
ao E na karaua nanom.

Ma te tangira,  
Te Rao

Korei tamneia am utu n tatabemaniia nako ao te bwai ae  
ko tatangiria ibukiia! Taraa te bwai ae tamaroa inan  
am utu. Tuangiia te bwai ae ko nooria!

## Au Utu ao Ngai

E korakora riki am utu nakoim ao am karo. Am utu bon tibum, naan ai  
tarim ma mwaanem, ao ni kabane ake a roko imwaaim. N te bong teuana  
am utu a na kona ni karina buum ao natim. Anne teuana te utu ae bubura!